



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱԿԱԿՈՌՈՒՊՑԻՈՆ ԴԱՏԱՐԱՆ
Ո Ր Ո Շ ՈՒ Մ**

**ՀԱՅՑԱԴԻՄՈՒՄԸ ՎԱՐՈՒՅԹ ԸՆԴՈՒՆԵԼՈՒ ԵՎ
ԳՈՐԾԸ ՊԱՐԶԵՑՎԱԾ ՎԱՐՈՒՅԹԻ ԿԱՐԳՈՎ ՔՆՆԵԼՈՒ ՄԱՍԻՆ**

«19» փետրվարի 2024թ.

ք.Երևան

ՀՀ հակակոռուպցիոն դատարանի դատավոր Կ.Բադալյանս՝ ծանոթանալով ՀՀ Շիրակի մարզի դատախազության հայցադիմումին և կից փաստաթղթերին,

Պ Ա Ր Զ Ե Ց Ի

ՀՀ Շիրակի մարզի դատախազությունը 15/02/2024 թվականին հայցադիմում է ներկայացրել ՀՀ հակակոռուպցիոն դատարան ընդդեմ Սամվել Արտավազդի Բաղդասարյանի, Ազգուշ Ռաֆիկի Միքայելյանի, Սվետլանա Հովսեփի Միքայելյանի՝ պետությանը պատճառված 1.756.250 ՀՀ դրամ վնասը բռնագանձելու պահանջի մասին:

Հայցադիմումը կից փաստաթղթերով Դատարանում ստացվել է 15/02/2024 թվականին և 16/02/2024 թվականին հանձնվել է դատավոր Կ.Բադալյանի աշխատակազմին:

Ուսումնասիրելով հայցադիմումը և կից փաստաթղթերը՝ Դատարանը գտնում է, որ հայցադիմումը ներկայացվել է ՀՀ քաղաքացիական դատավարության օրենսգրքի (այսուհետ նաև՝ «Օրենսգրք») 121-րդ, 122-րդ հոդվածների առկա չեն Օրենսգրքի 126 և 127-րդ հոդվածներով նախատեսված՝ հայցադիմումի ընդունումը մերժելու կամ այն վերադարձնելու հիմքեր, հետևաբար հայցադիմումը ենթակա է վարույթ ընդունելու:

ՀՀ քաղաքացիական դատավարության օրենսգրքի 165-րդ հոդվածի 1-ին մասի համաձայն՝ հայցային վարույթի գործերով նախնական դատական նիստի անցկացումը պարտադիր է, բացառությամբ այն դեպքերի, երբ դատարանը գործը քննում է պարզեցված վարույթի կարգով կամ կիրառում է արագացված դատաքննություն:

Օրենսգրքի 297 հոդվածի 1-ին մասի համաձայն՝ առաջին ատյանի դատարանը որոշում է կայացնում գործը պարզեցված վարույթի կարգով քննելու մասին, եթե ներկայացվել է նվազագույն աշխատավարձի հինգհազարապատիկը չգերազանցող գումարի բռնագանձման պահանջ: Տվյալ դեպքում ներկայացվել է 1.756.250 ՀՀ դրամ վնասի բռնագանձման պահանջ, որը չի գերազանցում նվազագույն աշխատավարձի հինգհազարապատիկը՝ հինգ միլիոն ՀՀ դրամը, հետևաբար գործը ենթակա է քննության պարզեցված վարույթի կարգով:

Ելնելով վերոգրյալից և ղեկավարվելով ՀՀ քաղաքացիական դատավարության օրենսգրքի 26-րդ, 165-րդ, 199-200-րդ, 297-299-րդ հոդվածներով՝

Ո Ր Ո Շ Ե Ց Ի

ՀՀ Շիրակի մարզի դատախազության հայցադիմումն ընդդեմ Սամվել Արտավազդի Բաղդասարյանի, Ազգուշ Ռաֆիկի Միքայելյանի, Սվետլանա Հովսեփի Միքայելյանի՝ պետությանը պատճառված 1.756.250 ՀՀ դրամ վնասը բռնագանձելու պահանջի մասին, ընդունել վարույթ և գործը քննել պարզեցված վարույթի կարգով:

Թիվ ՀԿԴ/0024/02/24 քաղաքացիական գործով եզրափակիչ դատական ակտի հրապարակման օր նշանակել 2024 թվականի մայիսի 20-ը:

Որոշումն ուժի մեջ է կայացման պահից և ենթակա չէ բողոքարկման:

ԴԱՏԱՎՈՐ

Կ. ԲԱԴԱԼՅԱՆ